



საჯარო სამართლის იურიდიული პირი

# საქართველოს ინტელექტუალური საკუთრების ეროვნული ცენტრი ს ა ქ ა ბ ა ნ ე ბ ა

ქ. მცხეთა

„28“ 11 2012 წ.

ბ რ ძ ა ნ ე ბ ა № 1624/03

## სასაქონლო ნიშანზე სასაზღვრო ღონისძიებების განხორციელების შესახებ მოთხოვნის რეგისტრაციის თაობაზე


2012 წლის 21 ნოემბრის N დმ-22064 განაცხადით კომპანია „სპირიტს ინტერნაციონალ ბ.ვ.“-ს (მის: 7, რიუ ნიკოლას ბოვე, L-1253, ლუქსემბურგი) წარმომადგენელმა დავით ზურაბიშვილმა მოითხოვა სასაქონლო ნიშანზე „STOLICHNAYA“ (რეგ. N 1046433) სასაზღვრო ღონისძიებების განხორციელების შესახებ მოთხოვნის ორი წლის ვადით სასაზღვრო ღონისძიებების განხორციელების შესახებ მოთხოვნათა რეესტრში რეგისტრაცია. სასაქონლო ნიშანი „STOLICHNAYA“ (რეგ. N 1046433) საქართველოში რეგისტრირებულია 28.06.2010 წელს და მისი მოქმედების ვადა განისაზღვრება 28.06.2020 წლამდე. სასაქონლო ნიშანი რეგისტრირებულია 32-ე და 33-ე კლასების საქონლის ჩამონათვალის მიმართ. არსებული გარემოებების შესწავლის შედეგად და „საქართველოს ზოგადი ადმინისტრაციული კოდექსის“ 52-ე მუხლის, „ინტელექტუალურ საკუთრებასთან დაკავშირებულ სასაზღვრო ღონისძიებათა შესახებ“ საქართველოს კანონის მე-4 მუხლის, „საჯარო სამართლის იურიდიული პირის - საქართველოს ინტელექტუალური საკუთრების ეროვნული ცენტრის - „საქპატენტის“ დებულების დამტკიცების შესახებ“ საქართველოს მთავრობის 2010 წლის 3 ივლისის N181 დადგენილებით დამტკიცებული დებულების მე-6 მუხლის მე-2 პუნქტის „დ“ ქვეპუნქტის საფუძველზე

### ვ ბ რ ძ ა ნ ე ბ ა:

1. სასაქონლო ნიშანზე „STOLICHNAYA“ (რეგ. N 1046433) დარეგისტრირდეს სასაზღვრო ღონისძიებების განხორციელების შესახებ მოთხოვნა ორი წლის ვადით სასაზღვრო ღონისძიებების განხორციელების შესახებ მოთხოვნათა რეესტრში (მოთხოვნის რეგისტრაციის N 149, მოთხოვნის რეგისტრაციის თარიღი 28.11.2012).

2. ეს ბრძანება შეიძლება გასაჩივრდეს საქპატენტთან არსებულ სააპელაციო პალატაში კანონით დადგენილი წესით სამი თვის ვადაში ან ქ. თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, აღმაშენებლის ხეივანი მე-12 კილომეტრი, N6) ერთი თვის ვადაში.

თავმჯდომარე



ირაკლი დავილაძე

ეგზავნება: საქართველოს ფინანსთა სამინისტროს შემოსავლების სამსახურის საბაჟო დეპარტამენტს; კომპანია „სპირიტს ინტერნაციონალ ბ.ვ.“-ს წარმომადგენელს დავით ზურაბიშვილს (მის: ნაფარეულის ქ. 18, ბ.7, 0179 თბილისი, საქართველო).



საქართველოს ინტელექტუალური საკუთრების ეროვნული ცენტრი „საქპატენტი“  
ინფორმაცია სასაქონლო ნიშნის შესახებ:



ნიშანი:

საერთაშორისო რეგ. N 1046433

მფლობელი: Spirits International B.V.

7, rue Nicolas Bové, L-1253 Luxembourg, LU

კლასი:

32 - Beer; mineral and aerated waters and other non-alcoholic drinks; fruit drinks and fruit juices; syrups and other preparations for making beverages.

33 - Alcoholic beverages (except beer).